

Il sogn da Salums

Autor(en): **Ardüser, Erwin**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **76 (1991)**

Heft 3

PDF erstellt am: **11.07.2024**

Persistenter Link: <https://doi.org/10.5169/seals-881884>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Il sogn da Salums

Il Mathias Cavelti ni «Tesli», co el vegneva numnaus, ha viviu da quei da 40 onns (!) sco eremit en ina camona ch'el veva fabricau sez a Salums sin territori da Laax. Naschius era el ils 23 da november 1868 a Sagogn. 1899 marida el la giuvna Maria Barbara Wälle da Bütschwil/SG. Suentar che sia dunna ed igl affon mieran igl onn 1904 tier la pigliola, anfla il «Tesli» buca pli la storta, banduna lavur e veta da mintgadi e seretrai a Salums, in uclaun amiez igl Uaul grond, agl ur dil vitg da Laax. Viver viva el da quei ch'el survegn dalla

glieud e da quei ch'el anfla egl uaul e sils èrs. Mintgaton vesin nus el el vitg da Laax ed els vitgs vischinonts, nua ch'el va da casa tier casa per vender scuas fatgas sez. Tgei ch'ha mumentau el sai jeu buca, mo la mort da dunna ed affon ei bein stada la raschun principala per siu sedepurtar. Dacheudenvi sevestgescha el era da dunna e va a spass en in carret cun ina ni duas poppas da stratscha. Ton el sco era sias poppas han in lulli entuorn culiez. Sco igl ei vegniu raquintau a mi durmeva il «Tesli» era en ina nanna da poppas. En baselgia mava el da vart seniastra, pia

dalla vart dallas dunnas. Il plevon veseva buca bugen quei ed ha matei era detg quei al «Tesli». Po esser che quei ei stau per el il motiv da fabricar in altar, avon il qual el faceva daleudenvi oraziun. Ils buobs da Sagogn che purtavan puma ad el, selubevan da far ina cattavegna cun bugnar il tappun dallas poppas e silsuentar observar dil zuppau sco «Tesli» sevilava sin lezzas e deva ad ellas sil tgil. Ils 22 da december 1958 miera il «Tesli» ella clinica dil Waldhaus a Cuera, nua ch'el ha passentau ils davos 10 onns da sia veta. Erwin Ardüser